

**Broj: 06-03-1084-06/172/16**  
**Mostar, 07.12.2016. godine**

Na osnovu člana 21., člana 37., člana 42., člana 84., člana 85. stav (2) i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) i člana 27. Zakona o korištenju obnovljivih izvora energije i efikasnu kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 4. stav (3) i člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije u mikro-postrojenjima OIE broj 06-03-1084/172/16 od 09.11.2016. godine, podnosioca zahtjeva FSE „Bljesak“, vl. Ivanka Sabljčić, Čalići b.b. Čitluk, Regulatorna komisija za energiju u Federaciji Bosne i Hercegovine – FERK je dana 07.12.2016. godine na XXIII redovnoj sjednici donijela sljedeće

## **RJEŠENJE**

1. Izdaje se Dozvola za rad za proizvodnju električne energije u mikro-postrojenjima OIE podnosiocu zahtjeva FSE „Bljesak“, vl. Ivanka Sabljčić, iz Čitluka.
2. Utvrđuje se FSE „Bljesak“, vl. Ivanka Sabljčić, iz Čitluka, status kvalifikovanog proizvođača u mikro-postrojenju OIE, solarna fotonaponska elektrana „Bljesak“, u periodu važenja dozvole iz tačke 3. ovog rješenja.
3. Dozvola za rad izdaje se na period od 07.12.2016. godine do 06.12.2028. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu na način i u iznosu koji utvrdi FERK posebnom odlukom.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH.

## **Obrazloženje**

FERK je 09.11.2016. godine primio od podnosioca FSE „Bljesak“, vl. Ivanka Sabljčić, iz Čitluka, Zahtjev za izdavanje dozvole za rad za proizvodnju električne energije u mikro-postrojenjima OIE broj 06-03-1084/172/16, 11.11.2016. godine pod brojem 06-03-1084-01/172/16, te 17.11.2016. godine pod brojem 06-03-1084-02/172/16 dopunu istog zahtjeva.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni

zahtjev potpun u smislu člana 12., člana 22. i člana 23. Pravilnika za izdavanje dozvola i da su se stekli uslovi za objavu obavještenja za javnost o nacrtu dozvole .

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 4. stav (3), članom 15. stav (2) i člana 17. Pravilnika za izdavanje dozvola, pripremio Nacrt dozvole za rad za proizvodnju električne energije u mikro-postrojenjima OIE po zahtjevu broj 06-03-1084/172/16 od 09.11.2016. godine, podnosioca FSE „Bljesak“, vl. Ivanka Sabljić, iz Čitluka. Na osnovu člana 85. stav (2) i člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-1084-03/172/16 od 23.11.2016. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije u mikro-postrojenjima OIE, kojom je ovaj nacrt upućen u proces javne rasprave, imenovan voditelj postupka i zamjenik voditelja postupka, kao i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije u mikro-postrojenjima OIE na adresu FERK-a ili na elektronsku adresu, u periodu od 24.11.2016. godine do 02.12.2016. godine do 13:00 sati.

Do ostavljenog roka za dostavu pisanih komentara, odnosno do 02.12.2016. godine do 13:00 sati, u FERK nisu primljeni pisani komentari na Nacrt dozvole za rad za proizvodnju električne energije u mikro-postrojenjima OIE.

U skladu sa članom 19. Pravilnika za izdavanje dozvola, voditelj postupka pripremio je pisani izvještaj, te je isti uputio podnosiocu zahtjeva na komentare 02.12.2016. godine pod brojem 06-03-1084-04/172/16.

Podnosilac zahtjeva je povodom navedenog FERK-u dostavio 05.12.2016. godine dopis primljen u FERK pod brojem 06-03-1084-05/172/16, u kojem je naveo da se slaže sa izvještajem voditelja postupka i da nema komentara.

Izvještaj voditelja postupka sa komentarima podnosioca zahtjeva dostavljen je članovima FERK-a 05.12.2016. godine pod internim brojem 06-08-1362/16, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju u mikro-postrojenjima OIE električne energije podnosioca FSE „Bljesak“, vl. Ivanka Sabljić, iz Čitluka i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije u mikro-postrojenjima OIE i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasnu kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize izvještaja voditelja postupka i komentara podnosioca zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 32., članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu podnosioca FSE „Bljesak“, vl. Ivanka Sabljić, iz Čitluka, da u rokovima propisanim u uslovima dozvole za rad za obavljanje licencirane djelatnosti proizvodnje električne energije u mikro-postrojenjima OIE iste ispuni, u cilju zadovoljavanja propisanih kriterija.

Na osnovu navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSJEDNICE FERK-a**  
**Vlodenka Milović**